



新刻石室先生丹淵集卷第八

宋尚書司封員外郎充秘閣校理新知湖州軍州
事兼管內勸農事上輕車都尉文同著

詩五十一首

邛州東園晚興

公休時得岸輕紗門外誰知吏隱家
聞鳴整群翻荇菜乳鳥無數墮松花
携琴秀野彈流水設席芳洲詠落霞
向晚雙親共諸子相將來此樂無涯

秀野芳洲
二亭名

雨過側調

陰車飛空載急雨雨過林塘若新換
櫻花浮波魚誤

食松子落屋烏驚彈白雲挂樹久不起青煙泊草殊
未散東園傲吏愛高竹把卷倚風頭髮亂

題象耳山寺

轉谷繁巖路始窮隔林遙望一門通溪山俱在見聞
外臺殿盡藏懷抱中像閣杳愚明海日經幢瓔珞撼
天風勞生又逐輕舠去珍重高僧解苦空

題晉原舒太博清谿閣

危閣飛空羽翼開下蟠波面影徘徊先搖畫板月深
淺聲遠曲欄風往來暝色四郊煙蒼莽曉雲千嶂雪
崔嵬主人好事民無訟日夕登遊對酒杯

縣樓獨酌

向晚無公事身如太古閑縣樓明夕照罇酒對南山
放意利名外遊心天地間生來不能飲到此學酡顏
殘秋郊外

蕭蕭風色弄寒威見盡郊原向晚暉昨夜星霜和月
落滿林紅葉隔煙飛已嗟北渚蓮初老更惜東籬菊
漸稀休感歲華傷節物眼前罇酒重相違

郊外

城市墜塵土高原聊振衣晚雲多淺碧秋樹半深緋
江氣雜輕靄山光明落暉因成求好景更就野橋歸

靜林詩僧已老

七十吟中老清風滿舊林倚筇秋岸遠圍衲夜房深
未得雲空在將成月已沉生平苦如此誰是識師心

高堂山堦率寺

孤絕不可狀此山餘舊聞因官多暇日與客到深雲
門外一塵斷座中千里分勞生當自去繚繞下西曛
閑居院上方晚景

繞岩縈谷到禪扃更上危巔最上亭風攪亂鷗盤古
木雨催群鷺下寒汀秋田溝壟如碁局晚岫峰巒若
畫屏詩已就成終夕去遠村燈火一星星

李道士惠琴軒集二首

驅役精魂入大幽滿編奇絕盡冥搜不教天地畧容
隱應與鬼神同訪求海藏光茫開寶玉羽林鋒刃立
戈矛蕭臺自好携歸去莫向人間苦暗投

其二

壽寧孫老畫壁下當日偶同君此行是時衆裏畧一
揖自爾乃得君詩名風馳雨絕十五載此地忽爾相
逢迎見投琴軒兩大集寶匣金鑰緘瑤瓊未開試使
道所有毛髮寒豎肝膽驚歸來燒燈讀曉句險字硬
才力穉君身長不滿三尺萬象何術獨手擎嗟我氣

俗音韻淺不敢與君相和去鳴聊書短歌報佳惠宅
日願將朝七瓊

彭山縣居

公館靜寥寥園亭景物饒溪光明短竹樹影蔭危譙
山鳥忽雙下池魚時一跳主人王事簡文酒日逍遙

下金雞山

峽束幾重煙山分數尺天岩猿與溪鳥一似過飛仙
過金雞關

關頭氣象古閑下風煙淡春深草木活嵐重坑谷暗
禽聲著部奏花色成窠勘歸鞍雖若水晉此亦能暫

夜靜獨登小閣有所見因書

危閣橫空蔽野扉夜深來上久忘歸
水光潏灩和煙動雲色襍褻夾丹飛
隔岸葦村聞笛遠背灣松塢見
燈微此間自得吟中樂不覺霜華滿盡衣

送黃夢得

去年輕舳過巫山今日羸驂度劍關
孤客每嗟隨斷梗慈親常把夢連環
蘭陔歲晚雖堪采桂窟春深正好
扳決取榮科歸舊里板輿迎侍且承顏

送郭方叔南充簿

六月東山道炎風滿去鞍譙周之舊
里仇覽此初官

簿領無煩壅圖書好燕安清朝名路闊慎勿學長歎
送張郭秀才赴舉

二子共齋刀翩翩去意豪負才皆萬選入手定雙高
上道梅薰袖還家草映袍須知本鴻鵠終不在蓬蒿
謝人寄蒙頂新茶

蜀士茶稱盛蒙山味獨珍靈根託高頂勝地發先春
幾樹初驚暖群籃競摘新蒼條尋暗粒紫萼落輕鱗
的皪香瓊碎盤餐綠蠹勻慢烘防熾炭重碾敵輕塵
無錫泉來蜀乾嶠盞自秦十分調雪粉一啜嚙雲津
沃睡迷無鬼清吟健有神冰霜疑入骨羽翼要騰身

磊石磊真賢寧堂堂作主人玉川喉吻澁莫惜寄來頻
謝許判官惠茶圖茶詩

成圖畫茶器滿幅寫茶詩會說工全妙深諳句特奇
盡將爲遠贈畱與作閑資便覺新茶癖渾如陸季疵
雨後看山因憶黃世南先生詩以相招

新霜夜落群梢鳴群風刮天爲早晴南山向曉盡張
列顏嶺斷經當空橫開軒一見喜無量走上高閣臨
飛甍層欄倚遍不能下狀貌秀活圍雙睛奔騰遠近
若波浪愛極擬去中間行此時只恨少佳客相共呌
笑誇崢嶸我思黃子者奇士趣向超越無俗情手提

詩筆如椽大到處詠物物有名我今此縣頗幽僻復
在歲杪天氣清溪中魚蟹易尋覓林下梨栗新收盛
子如訪我住旬浹此品可備盤與觥遂馳僕馬去邀
子願子爲我聊出城私心不獨徒見子亦願播此山
之聲子如不見不爲詠可惜此山虛此生

送楊議卿赴舉

寒日照殘樹新霜結衰草有客奉高薦策馬奔遠道
聲名近轉大文字素已好壯歲雖可恃榮科亦宜早
勉自報春暉高堂親髮老

和楊仲軻春難度三首

春難度紅梢梢尋縷縷朝披煙暮結雨勸君飲酒莫
用訴春難度

其二

春難度歌滿闋酒萬舉喉欲破腸欲腐風光滿天已
不暮春難度

其三

春難度池浮花墻攪絮枕書睡樹陰午日長幾何萬
丈許春難度

和何靖山人海棠

爲愛香苞照地紅倚欄終日看芳叢夜深忽憶高枝

好把酒更來明月中

訪李負山人隱居

多暇無所適故來尋隱君
塞開壁屋樹觸散擁門雲
狀貌不妨古言談何太文
令人重高趣歸去每斜曛
冬晚書事

倚杖立亭臯寒威向曉豪
雪乾山色老風烈樹聲高
殘日千鴉舞孤雲一鴈跡
自然成感物不覺首重搔

晚次江上

宛轉下江岸霜風繞人衣
翩翩渚鴻墮冉冉林鴉歸
前聲已重鶻遠峯猶若暉
孤舟欲何處劃浪去如飛

十月梅花

十月凍墻隈英英見早梅
應從九地底先領一陽來
紫膜紛紛脫黃膚迤迤開
得風渾自變與雪欲成堆
細暈輕檀口濃粧膩粉腮
月娥身解寫青女手能裁
冷豔浮冰沼清香落玉杯
只憂融乳酪不惜露瓊瑰
避妬情堪重禁寒術可猜
有誰憐寂寞盡日獨徘徊
共語誠無計將題耻不才
東隣夜夜客莫放笛聲哀

吉祥院

欹危一逕通下馬轉深叢
便是塵寰外可憐煙塢中
修篁寒滴雨老栢靜吟風
日暮庭前樹歸鴉自遶空

書鶴鳴化壁

晚氣陰陰別作寒夕陽林下動歸鞍忽然人報後山
雪更上上清宮上看

題鶴鳴化上清宮

秘宇墜孱顏飛梯上屈盤清流抱山合喬木夾雲寒
地古芝英折岩秋石乳乾飈輪遊底處空自立層壇
寄題何靖山人隱居

門外鋪寒水牆頭立好山先生忘勢利高隱寄中間
鳬鷺應同樂煙雲已共閑幾時能少暇携酒到松關

寄楞嚴大師

錦官城裏寺一室若雲峯水縮秋吟鼎霜底夜講松
住齋塵入鉢出定蘚生筇曾聽三摩義居常夢曉鍾

揖山閣

一問此孤高蒼蒼欲上摩有時臨縹緲盡日對嵯峨
絕底秋陰重危層晚照多無由從隱者空自愧雲蘿

杳杳堂

杳杳堂何者余常此養愚放身依曲几忘慮若枯株
莊老題書冊喬松列畫圖客來休見問非爾識于于

安仁道中早行

行馬江頭未曉時好風無限滿輕衣寒蟬噪月成
番

起野鴨驚沙作隊飛
揭揭酒旗當岸立
翩翩魚艇隔
濤歸此間物象皆新得
須信詩情不可違

竹閣

回廡抱曾閣蕭然深
且虛盡欄憑曲曲
高竹愛踈踈
塵滓外不到衣襟清
有餘每來聊自適
幽意滿琴書

尋春

馬行如疾輪十里去
尋春盎盎日光麗
鮮鮮雲色新
樓臺出花木道路夾
松筠欲買前村酒
陶然作醉人
太博孫公遊火井因寄

七盤雲道與雲浮
下見高林默縣樓
覽景莫能陪後

乘臨風空自憶前遊
已聞去日謀詩席
更羨歸時就
釣舟好句定知酬
不得盡將奇詭入
冥搜

野居

林下覽清曠此懷殊
不羈散行輕幘便
獸酌小甌宜
自可追三樂何須作
五噫古情歌笑外
紛擾竟何爲

面川亭

幽亭最孤絕直入亂
叢間近晚獨來此
有誰相與閑
卷簾通大野臨檻數
前山便欲教携酒
陶然踏月還

南亭

晚衙初散吏人歸
獨立南亭着道衣
淺酒小詩聊自

樂此心渾欲外輕肥

北郭

繞樹垂蘿蔭曲堤
暖煙深處亂禽啼
何人來此共携酒
可惜拒霜花一谿

讀史

不得焚陽遂失秦
始知成敗盡由人
可憐一擲羸天下
只使黃金四萬斤

夜學

已叨名第雖堪放
未到根原豈敢休
文字一牀燈一盞
只應前世是深讐

畫眉禽

盡日閑窓生好風
一聲初聽下高籠
公庭事簡人皆散
如在千巖萬壑中

鷺

濃染羽毛深畫眉
曉來風日正晴時
只應自道新聲好
啼遍後園花萬枝

佛頭

地名也此中山水絕佳

公暇常來此處遊
碧波蒼巘解相留
翩然又向城中去
回顧溪山只自羞

石室先生丹洲集卷之九

詩三十五首

和子平弔猿

文同著

去年汶山花平僧求得匡猿遠相寄來時
熟矯捷輕便殊可意呼來遣去會人語一
山意置之眼前看不足解去條索令自恣
倚風嘯天暖花陰向陽睡兒童圍繞賓客
惜倒挂橫跳術嬉戲叅夫每日費提舉未
始時節虧飲飼前時忽來報之病抱立
堦前自臨視與之柿栗不肯顧局

脚埋頭交兩臂毛焦色暗肉攣縮斗覺精神變憔悴
尋常忽然遇小疾不過蜘蛛噉三四咽喉才下即無
恙何此不効況頻餌今朝霜風冷入骨早遣之問云
已斃人情不免為傷但退自悔恨中且愧重巒複軸
本其樂大薄長林遠爾志苦將韁鎖強維繫不究天
年良有自遣人包裹瘞深僻不使筋骸屬螻蟻西隣
子平最好事聞之搏髀歎無已再三慘怛來訪問歸
作長篇踰百字其詞讀之甚悽愴亦謂一鬱歎其死
復推物理重相慰聚有散無皆偶爾把之庭下讀復
讀仰望高株一歎歎

和子平悼馬

生來未常畜良馬近得此駒誠可嘉骨節樞奇毛肉
好此種無乃真渥洼健蹄駿駿穩而疾歷目一過如
飛霞自歸官下少出入惟是芻粟意轉加前時相期
好天色往迓百里馳平沙誰謂兵奴跪其足針烙熨
裏成癰痂立多氣毒憤入肺雙膝攢縮兩鼻呀庸工
謬藥久不効倒死樞下髭髣散帷一區瘞以贈惜
爾命薄如萎花子平平時最愛爾對客滿坐常洪誇
今朝見爾忽斃踣重以好詩形歎嗟余逐貧官職
小此馬豈合居余家從今但只跨欵段壞轡破鞍仍

短檠

冷餅

海南有陶器質狀矮而橢云初日炙就鍛鑠不以火
水壺醜菱兀酒甌肥磔礪山壘頸微腫石鼎足已跛
圓如鴟夷形大比康瓠穎華元腹且蟠生莽口何哆
蕃胡入中國萬里隨大舸携之五羊市巾匱費包裹
侏儻講其効瀉辯若炙輶課以沸泉沃水雪變立可
炙敲瘳中渴其用豈么麼君凡幾錢得不惜持遺我
曾將對佳客屢試輒亦果勿云遠且陋幸可置之左
中秋夜試院寄子平

憶初我来時夜色如墨障心常念明月幾日西南上
松杪倚樓角一缺偃相向漸見輪中物依稀吐形狀
今宵東嶺外灩灩金波漲人間重此夕一歲號佳賞
而我督秋試鑠宿密如藏細務紛滿前約束甚鞅鞅
無由奉朋侶微曉坐清曠之人富才華筆力趑且壯
誰陪把鑊酒露下與酬唱南牆咫尺地使我起遐想
人生此良會可惜已虛放獨立中夜歸俛首入書幌

贈城南觀音院菴主廣師

簿領日嬰簿紛然汨幽襟駕言出城南聊欲清此心
平岡見淨刹石逕鬱以深中有苦空人峭健奇骨森

十年一菴下形迹了莫尋兀如擁敗褐口吐衆妙音
時下寂照堂聲絕響亦沈默矣蓋自得其誰知少林

送韓震都官監渭州酒韓近悼亡

士師每失官未始有憂愠園吏既喪婦何嘗復嗟憤
二子道義勝一與天理順之人乃其徒心迹兩相近
區區赴窮塞而使賣官醞甯中浩然者俗口不得問
將軍此開府遇士以恩信若訪禦戎策請爲講三陣
時仲儀帥渭

成都楊氏江亭

汀州煙雨卷輕霏遙望軒窓隱翠圍萬嶺西來共曉
色一江南下載晴暉鳬鷖慣入闌干宿魚蟹長隨解
艤歸我亦舊多滄海思幾時如此得苔磯

漢州王氏林亭

短竹疎籬入野局竹烟松露滿襟清奔湍激險飛寒
響弱蔓穿深挂晚英惜去更覩曾畫壁記來重注舊
題名門前便是紅塵道誰肯反過洗俗纓

春雪呈知府龍圖

朧朧玉魄沉霄彩蔌蔌瑤花破曉陰和氣所蒸綠異
政豐年之兆慰群心畫樓捲白歡聲洽遊騎障泥榮
意深太守安閑民訟息錦城無限好園林

同蘇秘丞子平登延暉故亭

城端有亭餘故基吏曰舊榜題延暉行穿豪龍倚孤
陴霜風飄蕭吹我衣高林滿郊目四圍雲起日落晴
烟飛感今念往聊久之埤垤昏黑羣鷗歸

金桃

雨染烟蒸萬實垂丹硃為骨菊為衣客疑麗水新淘
得人向瑤池舊帶歸只恐壓枝星欲落最怜和菜露
初晞銀瓜玉李君休並此品仙家亦自稀

房公湖

一頃清波四面平宛然唐相舊經營高秋林木形容

老落日樓臺綵繪明有景可尋蘭櫂遠無幽不入竹
橋橫二年所得官居樂肯厭頻來緩帶行

錦雞

高原濯濯弄春暉金碧冠纓綵繪衣石溜瀉煙晴自
照巖枝橫月夜相依有時教宰盤跚舞忽地鉤輈格
磔飛寄語人間用繒繳瑤臺鸞鳳好同歸

竹櫻

秀幹扶疎綵檻新琅玕一束淨無塵重苞吐實黃金
穗密葉圍條碧玉輪凌犯雪霜持勁節遮藏烟雨長
輕筠此名未入華林記誰念西南寂寞春

無爲山寺

一絙危磴遶崢嶸上徹幽深入化城
烟外川原誰續盡雲中樓閣自陰晴
老僧高論都無著古佛真身宛若生
聞道軍持新呪水願傾涓滴洒塵纓

劍州東園

羣峰高擁碧嶙峋亭宇清華氣象新
兩岸烟雲先向日一林花木暗藏春
溪明夜閣軒窓月風斷晴橋井邑塵
好酒滿樽詩滿軸主人曾不倦行人

運判南園瞻民閣

青都高與紫霄通獨此危欄望不窮
萬嶺過雲秋色

裏一峰擎雪夕陽中欄檻曉落天蒼月
牕戶晴吹石闕風民吏安閑財賦足
管絃時復在層空

讀淵明集

吏人已散門闌靜公事未休耳目清
牕下好風無俗客案頭遺集有先生
文章簡要惟華袞滋味醇醲是太羹
也待將身學歸去聖時爭奈正升平

張次公大

博歸閣中

制詔頻來試玉京清途猶自滯豪英
策高三道竟何用恩拜二親方爾榮
秣阮襟懷終曠達儀秦才術本縱橫
閣中勝事知無限且向城南爛漫行

寄成都監庫石屯田遠叔

一年同住夾城中
小園高齋幸見容
吟盡物題春唱
和講窮人事夜過
從歸待去門前約
訪古邀回道
上逢別後西樓不堪
倚滿川林木暮雲重

宿隆平精舍

萬木羅青蓋雙峰
敞翠屏風埃愁客
曉鐘鼓喜禪局
下馬穿蒙密隨僧
入香冥俗襟如見
濯試爲瀉銅餅

弭蓋亭

弭蓋長亭下軒窓
慰客心田
膝交遠日水棚瀉清襟
北道雲千里西山
雪萬尋塵衣無奈
拂去騎復駸駸

什邡道中

驅馬下遙川殘陽促
晚鞭高林夾廣道
亂水入平田
封落晴如畫桑林
晝起烟飛鴻正南
下歸意滿雲邊
夜思寄蘇子平秘丞

西湖

亂竹敲風遠高松過
雨涼檢書防落燼
下幕恐遺香
好月娟娟上輕雲
苒苒長端令阻佳
客不得共清觴
丞相淹回地光容
滿落暉池塘存舊
夢城郭歎前非
煙靄陰晴出鳬鷖
遠近歸松風殊有
意猶欲下金徽

猿

岷嶺高無敵來從第幾層攀緣殊不倦趨捷爾誠能
晚嘯思危石晴懸憶古藤王孫非汝類只可以文憎

幽沼

促促開幽沼涓涓引細渠無由安島嶼士可活龜魚
秀苻新宜食圓荷淨好書時來坐高柳濯足蔭扶疎

步月

掩卷下中庭月色浩如水秋氣涼滿襟松陰密鋪地
百蟲催夜去一鴈領寒起靜念忘世紛誰同此佳味

中秋對月懷寄鳳凰山鄧道人

有客千巖萬壑中綠毛丹臉紫方瞳不知今夜西樓

月幾處飛山下碧空

秋月晚晴呈同院

秋風淅淅吹碧虛白雲鱗鱗如臥魚共君今夜賞明
月興來誰欲騎蟾蜍

戲呈鳳凰長老用師

七十頭陀會語言舌根派利口闌珊羅浮居士最難
柰穩把無絃琴與彈

郡學鑠宿

長栢高栢蔭廣庭夜涼人靜夢魂清不知山月幾時
落每到曉鐘聞雨聲

子平慕負茶墨小章背之

睡憶建茶斟漱澀盡思充墨潑淋漓可伶二物俱無
有記得南堂茶勝時

長安李晦叔醉老菴

醉老名菴晦叔爲菴中長是醉淋漓扶頭未得日過
午門外萬端俱不知

和邵興宗茶聲

二客與茶酬寒聲滿側楸急因隨行發斷爲見遲休
花下鶯翻翼林間鷓轉頭丁丁竹樓下不獨在黃州

九卷終

新刻石室先生丹淵集卷第十

文同著

詩二十三首

續青城山四詠

昭慶觀

琳崖盤玉霄彩翠接步武雲霞不可盡泉石固難譜
神幢逾百尋帝轍歷萬古靈瀑誰與窮長飛六時雨

天倉山威儀觀

群峯削瓊瑤老蘚抹古綠應朝大嶠去簪笏儼相逐
珠宮秘仙仗錦笈藏寶籙上帝此爲倉其田堪種玉

飛赴寺

平林露層巘上獨置孤寺群仙馭飛駕往往赴於此
風高幡影亂日落鍾聲起誰可謂詩豪興來吟萬紙

香積寺

近險轉詰曲山深愈巘岼行松耳目清入竹襟袖寒
殿閣紅芙蓉巖巒碧琅玕高僧把金字擁衲對雲看
夏秀才江居五題

枕流亭

爰此煙景佳開軒故臨水晴暉照寒浪飛影動牕紙
倚檻見魚游卷簾知鴈起惟悴笑相疊區區詠蘭芷

闌碧亭

雨餘山景鮮風定水光好晴陽破宿霧秀色濃可掃
平時一樽酒野客共傾倒朝暮山水間年華不知老
天隱洞

層崖削青瑤誰昔此鑄鑊潭潭闌孤洞中可百人受
巘岼列岫繞洶湧大江漱虞鄉方著書入此幾年就
直鈎磯

盡知人鈎曲獨見君鈎直年年此磯上萬掣無一得
持竿只自苦吞餌何嘗識試勅人所爲君魚不勝食
醉經庵

垂茅緝爲庵有類穹廬形之人伏其中日醉手群經
世俗安爾知但謂長不醒寄此語二豪渠非彼劉伶

寄題杭州通判胡學士官居詩四首

鳳味堂太史書言官居在鳳凰山下此山真
如鳳有兩翅翅上各建一塔而鳳嘴正落所
居池上舊有一堂在山欲落處近葺之謂之
鳳味堂因而求詩

四詩爲子瞻賦今易以胡
侯豈黨禍未解故亂易失

胡侯外補來錢塘所居之山名鳳凰不知元本發何
處蛇頸魚尾盤高岡婆娑欲下大江飲萬里一息頭

低昂誰將屠蘇豔兩翅直使帖地不得翔前人眼俗
不知顧會有賢者來形相怜汝困欲共汝語故近汝
味營斯堂起居飲食不離上外孰有耳聽琅琅應云
汝德未衰在旦暮可起鳴朝陽

漱玉齋又言山上草中多恠石近取得百餘
株於東齋累一山激水其間謂之漱玉齋

石林

森座隅激水注射成飛渠寒音琤然落環

珮爽氣颯爾生庭除主人清標自可敵底處勝槩爲
能如想君不欲時暫去其餘滿案堆文書

方庵又言堂後有屋正方謂之方庵同按釋

名庵園屋也

衆人庵蓋圓君庵獨云方君雖樂其中無乃太異常
勸君利其用使稱著月牀自然制度穩名號亦可詳
東西南北不足辨左右前後誰能防願君見聽便如
此鼠蝎四面人恐傷

月崑齋又言累石爲山上有一峯穿竅如月
謂之月崑齋

詩中子平
即子瞻也

月爲太陰精石亦月之類月常寄孕於石中事理如
此何足異天地始分判日月各一物旣名物乃入形
器安有形器不消沒况此日與月曉夜東西走珠流

壁轉無暫停豈與天地同長久其爲勞苦世共知惟
是月有生死時旣然須常換新者人但不見神所爲
日須天上生月必地中產君不見鄱州朱陽縣之山
谷間纔成未就知何限石有不才者徃徃其卵殼靈
媪棄置不復惜任人取去爲珍玩佳者留之待天取
藏滿庫樓千萬許彥瞻博物天下稱更無定不以予
之說爲竊語予恐世人不知嵩丘崑洞中中有八萬
二千脩月戶其所食盡王屑昔有王生見之滿撲
提斤斧應是當年靈鷲山直自天竺飛落西湖前其
上有石姪月月已滿此人竭來就彼剗剔歸上天所

以此石拆齣不復合至今神胞所附之處其痕圓拋
擲道傍凡幾歲風刷雨淋塵土穢子平一見初動心
輦致東齊自摩洗更選他山相擁列就中獨爾一峯
最奇絕每至瑤魄流光下照時玉柱橫欹無少缺子
平謂我同所嗜萬里書之特相寄邀我爲詩我豈能
窓前累日臨空紙遙想嵒前寶穴通玉蟾從此去無
蹤請君爲我細書字側名爲月母峯

寄員文饒屯田

英英文饒江漢士何者天教長眸子用心專一性轉
明無所不知餘兩耳能爲樂府勝張籍暗誦史書過

杜顥弃官新自荆渚歸萬里逆風衝峽水峩峩全家
載巨舩坐臥吟詩滿千紙自言從此生事足可了等
粟及麻桑數椽舊屋葺風雨一榻蕭然容隱几丘明
國語浩如雲子夏門人紛若蟻向人問口誇舌在道
義文章吾豈已自知俗事無所觀便落雙睛君亦喜
奉送少訥還青神

濕雲堆空洩淫雨與三嵎氣相軋春陽沈伏不得動
萬木屈蘖草藏茁叢岡複嶺誰敢度旦暮寒鷄叫泥
滑少訥胡爲犯此苦特念我困來省察延之累日對
佳話如待大饗聽控揭彥瞻弟兄別已久使我心胸

昏莫刮天將少訥愈我病次第爲取蹊茅拔長編巨
軸寫治亂筆墨揮灑何橫猾詞章直如子長健辯論
不比仲連黠我慙無琴類師曠鶴誤銜珠將二八酌
泉煮蔬共家饌敢用俗禮費烹殺少訥忽爾道其去
歸轅在途不可掇此懷作惡定數日憤憤已覺漸磨
憂欲留少訥意無盡更爲逡巡捱西轡

送無演歸成都

曾讀契嵩輔教編浮屠氏有不可忽後於古小師識懷
璉彼上人者左奇倔余嘗從容問其友璉僅爲餘道
居訥是三大七寸過人所畜豈肯吾儒屈八章汪洋

道義富不止區區事其佛余思此等更誰似蜀有人
焉頗超越成都敏行字無演所謂萬星中一月想嵩
璉訥見須避不爾往往被呵咄通禪晚律兩無導前
會定預耆闍崛群經列史固汗漫獨泛其深仍出沒
外之所精者書畫不問不語常若乞計其夏臘殊未
幾在大衆中誠寥兀余守陵陽至窮陋雨浸一春泥
汨汨英礫礧礧道崦行客欬嗽上齒岑無演衝冒
獨不顧來款余門手持謁呼之使前見已喜相良圓
滿藏神骨神之迅發觀詩有坐清譚坐久愈飄灑頓
遣塵襟落如拂新詩古文覽喜貺氣格俊捷凌霄鶴

觀其來來出論議收欽便可與簪笏試將邀之使從
仕笑指此頂安更髮日招與語自無厭何乃告去苦
倉卒西城曉日照高嶺倒搭乾陀入深樾師歸常宜
見嘉祐此老心中已無物好音相與頻寄惠余在空
山正伊鬱

閻君見示岷山賦因為小詩謝之

大岷西南鎮品壑天下秀厥初造此者以作神仙囿
相如子雲沒李杜繼其後欲賦俱未敢於詞怯輕構
閻君通方士才力誰可闢驅聯入健筆萬狀無一漏
駸駸語趨勁駿馬雜馳驟太華楊已拙天台孫亦謬
示余請數過驚聳肩縮脰勉為成短章聊酬君意厚

閻生談黃庭

茫茫誦靈文誰為挾久瞽不能辨三一豈復更知五
方迷得真指忽悟有奇觀自此日相親赤龍交黑虎
送范堯夫

還還走閭巷都人起中霄相擁候府門惟恐失此朝
盡言來送公車馬城北橋橋邊脂轄亭大尹此相邀
歌管盛宴集簪裾合群僚四座酒既行相顧魂已銷
亭前有楊柳秋風減長條折以持贈公莫歎霜葉凋
節物雖謂晚比春情更饒逋起歡公飲雙呼金翠翹

豈徒要公醉恐公遽乘輅借問何爾爲重公若瓊瑤
美質未省變與人存久要旣莫不可留征衫遂飄飄
鳴騶過昇遷群昨開如綢感公來二年免我於無聊
今公舍我去何由借諸朝願公富且貴壽命等松喬
直似先公公令巍巍佐唐堯涕淚逐君行不憚公更遙
公誠上下通和如奏笙簫所以得如此人情不相遼
嗟同繆與公一時赴弓招于今二十年不見有所超
前日荷君相與印垂之腰使歸守山郡藏伏其寂寥
聞公將治行乃心自夜搖恨不能送公俛首類酸痛
徒爲送公詩有如草蟲要強勉寫之去憂來立危譙

推官惠李庶子鄂州篆字

天下有奇篆陽冰書鄂州吳獸呀五口狂咬掉三頤
礫硤玻璃盃詰屈珊瑚鉤愧無希世寶何以爲子酬

和提刑度支王店鷄詩

王店有郵吏養鷄殊可笑昂然處高襟不肯以時歸
官有宿此者西征待初曉鷄竟不一鳴問吏吏已告
云此寂荒絕左右悉蓬蓼狐狸占爲宅恣橫不可道
前此三四鷄一一遭其暴尋聲卽知處盡獲爪牙禍
自後始得此其若有人教東方或未明群醜尚騰越
此鷄但鉗結直伺太陽耀雖然謂失旦似得保身要

官曰此何用不然則宜羅不見不鳴鴈先死蓋自召
天下已明白豈假更喧鬧徒爾費稻梁曾莫知所報
吏云官言是且願忽嘲誚知是本在人此物何足校
送李道士

先生若孤雲兩在隆山見清標瘦彌聳秀骨老愈健
高談吐深詣大句寫精鍊忽起憶鵝池岳飛石泉濺

送韓山人

昌黎山人抱藜杖三度訪我於三隅端然入座更誰
顧談辯衮衮如流珠靈丹嘗凝日月鼎至寶自產乾
坤爐要行撒起不可逐安得覆鳥爲飛兔

新刻石室先生丹淵集卷第十一

文同著

詩五十四首

二年十陵陽不見中秋月

陵陽亂山山下陰雲日夕發晴光尚希見况復求夜月
二年逢中秋曾不識皎潔煙雲爾何事常作此蓬勃
纔令薄中明明已遣濃處沒群邪利幽暗左右覺窻窄
清光若蒙蔽誰爲我磨拂庭下倚高株露華霑鬢髮

夜鼓耳

秋風動衰草早撼撼響夜月其下有鳴蛩到曉啼不歇

乃知挫落此時衆籟自感發安得苦吟人不能爲一呖

送僧惟照

學成九章開方訣誦得一行乘除詩自然天性曉絕
藝可敵國于應吾師牕前橫榻擁爐處門外大雪墜
屋時獨翻舊局辨錯著冷笑古人心許誰

送喻介夫

介夫陵陽奇男子節義素爲人所談身長七尺氣萬
丈自謂流俗誰能耳去將舊學中新格坐抑高第如
手探明年西歸有光耀且請爲我來山南

飛泉山寺

東城元古同峰爽氣浮翠微霞光射巖壁中有寒泉飛
上方金德塔煌煌啟雙扉欄干出雲表目可了四圍
我來久不下幡影移斜暉風吹月中挂天香滿人衣
遠渚鳬馬落前嶺牛羊歸尚此戀幽勝不能手聊揮

山雨

山雨灑石谷城溼溼聲頗急牕下讀書人橫編揭陰濕
高爲餓細叫遠燕寒雙入南園有桃李盡抱群梢泣
送牟太素山人

山人高迹若孤雲聊問太虛來所止昨因隨風起西
北翩然遂墮三隅裏攬之不住瞥爾去瞬息誰知幾

千里東遊天定遇鴻濛請問無爲寂深旨

送龐中秀才

曼倩學相知蜥蜴公明術妙識蜘蛛臨卽復有龐成
叔萬事尤將入卦圖

送興効樂天

君莫學初虞卿奉李宗閔宗閔權勢豈能久君莫學
劉栖楚附李逢吉逢吉祿位寧長守雖然一時身暫
好其柰十古名常醜丈夫讀書要知道所信不篤被
其誘大張富貴作羅網愚者紛紛以身就左纏右繞
不可脫誅竄還當逐其後君不見虞卿須遇李固言

君不見栖楚終遭帝處厚一朝摧折靈氣盡龍如蛇
兮虎如狗勸君聖賢術內好潛心勸君邪佞黨中休
入手豈不知潞州處士田佐時喚與美官嫌不受

遣興三首

惻惻抱伊鬱試此登崔嵬陰風吹繁雲黯黯蒙泰霄
關河眇無際節物何蕭蕭過鴈安所之驚哀翻沈寥
幽懷滿如失隨此群草凋嗟予生胡為迹玷明盛朝
服職詎云補赧然綴群寮感此四序遷一昏復一朝
寒霜入兩鬢漸積不肯消良辰乖所遇慨嘆心魂飄
賤稟迂且介於時信無庸欲適關所之此道當何從

富貴諒非有，僻陋知可容。豈不媿上恩，耗此釜與鍾。
昨歸得此州，滿眼皆亂峯。事物固瑣碎，敢茲任頑慵。
報國祇自明，惟神諒其胸。

其二

少小事編簡，淵源極沿洄。不自測其深，津涯信悠哉。
既長務脩省，日以德義培。一匱敢中畫，期之至崔嵬。
振纓仕明庭，鴛鴦忝遊陪。寒脩無嗣者，誰可吾與謀。
吐艷落晚春，鶯然抱枯芟。因人寔自耻，寂寞余敢哀。
何當清冷泉，襟裾濯氛埃。故山有松菊，待賦歸去來。

其三

連陰不肯解，山霧常霏霏。積潤日已滋，厭浥沾人衣。
展轉厭早起，隔牕問晴暉。幸聞太陽出，身體輕欲飛。
中秋夜坐遣興

素紈不搖風，滿襟露氣中。夜寒相侵予，懷浩然杳莫。
寄伴月直到青天心

臨閣閣

絕壑迎朱檻，高林拂畫楹。卷簾千嶂遠，入座一川平。
蜺絲綠雲斷，霞光射水明。不須誇曠望，爲語謝宣城。

野逕

山圃貌秋色，林亭近晚晴。禽蟲依月令，藥草帶人名。

排石鋪衣坐着雲緩帶行官閑惟此樂與世欲無營

寒蛸

山月世雨地流金波寒蛸向秋鳴更多大都時節使如此止爾不得將奈何

辛亥孟秋戊子有虹下天繞飛泉山入東谷飲古泉良久去作大雨咄之以詩

長虹落天帔萬丈截群嶺蟠身下深谷頰首飲古井居人占天之指况復敢引嶺幡然繞空去雲霧變俄頃乾坤爲之黑噴雨極暴猛崩流匯溝瀾巨漲沒四境民困一漂蕩多稼不可省此物蓋蟲類聞亦具頭頸

淮珍之所生詩傳載爲青朝西暮東出輒與日對影夫何此凶孽得使乘時逞高風掃寥廓一帚昏穢淨煌煌太陽起隙穴被光景群陰逐海內此物應遠屏寄何首烏丸與友人

此草有奇効嘗聞於習之陵陽亦舊產其地尤所宜翠苔叟走崑壁芳叢蔚參差下有根如拳赤白相雄雌斲之高秋後氣味乃不虧斷以苦竹刀蒸曝凡丸爲夾羅紅下香屑石密相和治入臼杵萬過盈盤走纍纍日進豈厭屢初若無所滋漸久覺膚革鮮潤如凝脂既已鬚髮換白者無一絲耳目固聰明步履欲走馳

十年親友別忽見皆生疑問胡得爾術容貌曾莫衰
爲之講靈補爲世俗知蓋以多見賤蓬藿同一麝君
如聽予服此語不敢欺勿信柳子厚但誇仙靈脾
霜栢亭試墨

山口風吹早晴袂服覺微凜煙雲有佳尚竹石得幽稟
閑臨覆舊局晚閣試新品幾欲賦郊居奇詞未如沈
閱史感事

世間諸味已全疎惟愛縑緗似蠹魚名霸者來爲御
史姓關人去作尚書晉師嘿嘿魯何害楚客昂昂只
自如安得漢陰歸抱甕滿園青甲灌新蔬

富春山人爲予道其所獲石於江中者狀甚
恠偉欲予作詩言若可得持歸刻其上當相
與傳無窮余夜坐平雲閣是時山月清凜啼
蟲正苦余因此景物索筆硯爲山人賦之

奇礪巖元倚秋江俗眼過幾多所忽風霜鍛鍊愈堅
重怒浪噴激不可沒富春山人好尚古見此便以作
吾物鑄鍊牽挽置庭下犀角鯨牙蛟蜃骨精金凝滑
露筋臂老玉礪砢開竅窟狂螭奔拏勢夭矯猛兕搏
王氣蓬勃山人誇我謂如此欲我詩之慙拙訥何當
走到山人家撫月摩煙觀突兀

平雲閣偶作

陵陽郡事全稀少
嬾守長羸半日閑
晚後復來上高閣
就中無厭是雲山

聞陳山人定命丹成試以詩乞

水火相交養大還
已聞神汞滿爐乾
羸肪穀漆尋常得
敢服靈丹二萬丸

厭蟲

月出松塢明露下
蓮塘清今宵好
風色獨遶林下行
百蟲爾胡爲嘖嘖
饒秋聲求靜不能
得我詩何由成

新晴山月

高松漏疎月落影如畫
地徘徊愛其下夜久不能寐
怯風池荷卷病雨山果墜
誰伴予苦吟滿林啼絡繹

送堯夫二章

有志深沉定無心
出處同廟堂應爲國臺省復還公
肖似家聲重端方士論雄上如留左右
風來壯朝中其二

欲與民爲利先求
正妨紛更初下議
旁午遂交章不爾
王安石傳其如體
自傷西南餘燼在
歸爲對明光
秋日田家

洵漉溝源築野塘
滿坡煙草臥牛羊
今年且喜輸官

辦豆夾繁多粟穗長

二色芙蓉

已下五首和吳龍圖韻

蜀國芙蓉名二色重陽前後始盈枝
畫調粉筆分粧處繡引紅針間刺時
落晚自憐窺露沼忍寒誰念倚霜籬
主人日有西園客得爾方於勸酒宜

洗竹

斤斧從來到此稀爲撩疎客遶藩籬
已繁不用饒新笋縱礙何妨惜舊枝
風外清音聞曲閣月中寒影下方池
想公日在琅玕逕正是棠陰訟少時
琅玕逕在西園竹逕在

明堂肆赦不得預觀感而成詩

季秋陽館事嚴裡能饗洪惟上至仁
游廟衣冠參帝坐侍祠簪佩儼星辰
歡聲被寓和於律協氣流天藹若春
卽見陪鑒千萬祀豈長如此在遐壤

經史閣

自持金節此爲州小善何嘗不見收
更起厯譙連石室盛藏縑帙擬蓬丘
師延舊德皆高誨士集他邦盡久留
當念河南嚮儒意莫教弦誦少時休

有懷致政景仁侍郎

一生名籍占風流爲識莊環可自由
几杖未銷客早

退廟營將近肯中休有人把酒思高節何處揮毫詠
素秋故國岷峩最佳絕幾時歸伴赤松游

吳公惠酒因謝

山城物色正嚴冬梅放長梢露小紅破萼未深聊敵
雪收香不密任隨風儘教種滿金釵上休管吹殘玉
笛中須至開筵召佳客爲公連夜賞郢筒

登陵陽雲山閣寄上吳尹

雲山高閣倚危牆晚意無窮在渺茫極望不知雲幾
許滿空誰見鴈交相與誰把酒邀明月獨自吟詩到
夕陽因念平臺有佳興卻生枚叟奉梁王

和寄白聖均

年來雙鬢已絲絲頭角任摧羽翼聖無命不窮常自
笑有謀皆拙敢求知榮途謾說居三館僻郡還甘守
一麾賴是山城好風物不能逢子共吟詩

和提刑郎中閱兵之什

曉營金革列周遭大纛長矛擁帳高虎豹用韜傳妙
略龍蛇共陣役群豪言初撫處如蕭續恩盡均時若
楚醪敢謂施行剪諸盜亡之纔比一牛毛

晚坐山亭口占

嶺上生來月似磨崑崙斷去雲如削遙聞褐吏叩高

林應是雷公催采藥

送王晦叔

豈無舊德為清望亦有彊親在要流班簿至今纔博
士郡書猶自許諸侯貧甘遠宦冰盈腹老憶高堂雪
滿頭不恃交期便求去趁歸春圃奉蘭羞

重送

一生自守至如此惟道外皆非所親顧已通塞盡有
命是身可忍求因人

又六言

鷺尾歸艍正穩鴨頭春水方深不得同搖楚棹與君

齊到山陰

登山亭

登臨平楚外徙倚夕陽間歸鳥亂飛葉暮雲凝山行
知筋力倦愁欲鬢毛班坐久成搔首疎慵好強顏

文領相仍意慮煩濁聊携野策獨訪山園因
覩霜栢亭殘梅憶公向時有詩酒之惠感物
成詩繕寫拜呈知府龍圖諫議吳公

昨日梅開飲公酒今朝梅謝念公詩眼前光景急如
水案上簿書焚若絲且試輟忙來此地可憐遺恨滿
殘枝西園想已成青實敢問調羹去幾時

依韻和張推官元夕

山即上元榮樂事大開金地作遨場煙雲向曉誰教
霽燈燭乘香自有香紫陌焚煌隨步遠絲棚佳麗闌
眉長遊人莫惜酬高直買取銀蟾一寸光

小閣戲書

閑揭新刊集時裝舊簪香還如到茂灌無物在牀旁
伐枯株

層崖垂空石壁牢上有大木百丈高古荔全身裹鐵
甲頑薑滿腹鋪金毛空根老蟠露擁腫曲折恠鴟子
呼嗥一朝壯士揮巨斧無限隨死蓬與蒿

可笑口號七章

可笑庭前小兒女栽盆貯水種浮萍不知何處聞人
說一夜一根生七莖

其二

可笑陵陽太守家閑無一事只栽花已開漸落并纔
發長作亭中五色霞

其三

可笑此公何太惑讀書寫字到三更也知學得終無
用自肯辛勤比後生

其四

可笑生平事迂闊向人不肯強云云到頭官職難遷
轉一似城南蕭次君

其五

可笑為官太徼幸養愚藏拙在深山君看處置繁難
者日夜經營心不開

其六

可笑兒孫亦滿眼朝朝庭下立參差謂言飽讀詩書
去憔悴如翁亦好為

其七

可笑山州為刺史寂寥都不似川城若無書籍兼圖

畫便不教人白髮生

近日

近日簿書金簡少吏人惟趣兩衙休歸來便只尋冠
屨遶遍林亭山上頭

十一卷終

新刻石室先生丹淵集卷第十一

詩五十首

送知府吳龍圖

文同著

國初已來治蜀者處置盡自乖崖公當時奏使便宜
敕不與天下州府同行之已及八十載姦宄消伏誰
之功因循至此漸稅牧有未曉者時相攻鞭笞小罪
亦檢察不許略出常科中下民知之頗不懼州縣往
往藏群兇側身欽足未動者實以累朝恩澤隆公之
初來蜀人喜慈愛舊熟民情通衆心歡然恥犯法挾

藥浮簿歸醇醲盡將約束付僚吏興起學校還文翁
二年美化極沾洽遠近循服如偃風上將歸公問誰
代當使間作如笙鏞遂求元老得青社其人廊廟之
宗工往年鎮撫有異績大旆再遣來於東公今與之
合符去到又奉詔參夔龍大資舊德固無慮剖判自
出其心胸所憂厥後嗣之者忠定良法還如空養頑
活狡作淵藪不免剪殄煩興戎同之憤懣久填臆言
賤不得通九重願公上殿起居罷第一用此聞宸聰
送通判喻郎中

前年為郡得陵時不請其州陋如此蕭條官宇崑嶺
上零落民家坑谷裏西城初入已可厭竊謂豈堪余
所止幸逢之彥倅郡事日月漸深殊可喜予之所稟
至迂謬君亦恬然尤自委每來聚議一朝罷各去掩
門歸隱凡雖然有時亦為會此事可知誰得已酒肴
麤糲妓樂可况復說說滿公使惟於試茶并看畫以
此過從不知幾幕中有客乃佳士愛遣高談聽疊疊
如斯共處五百日索寞情懷未嘗起君今官滿忽先
去搔動予愁安可扼英溪長亭一揮手自此吳蜀五
千里謂言川江會北固中亦有船多上水願君因出
到金山遇此莫忘批紙尾

送通判喻郎中 二首

晴霞照西城漠漠卷宿霧高空繚危磴此乃君去跡
吳蜀向萬里上馬初一步莫言道途遠况已蹉久寓
今茲有行色便可到北固長亭聊把手幾日更逢遇
不敢醉君酒君意實急遽惟是送君心相隨亦東驚
其二

群居五百日日如初見一日忽遠別能不成愴戀
人生三萬日光景若激箭何若於其間喜極費顏面
茲緣勝心在胸內每交戰既欲多上人計校須自銜
於事固無補在已亦非便仕路繁此徒可謂丈夫賤

愛君性渾厚殊不與時變相共為此州敢說曾盡善
何嘗分彼此惟務乃職辦所以得二年無有長短辨
為人倘如此所至復何患官滿去還臺豈能忘眷眷
陽關調雖苦且盡西城宴問君到京國幾月方下汴
予亦想是時移守至梁甸佳音幸見及西南足郵傳
山城秋日野望感事書懷詩五章呈吳龍圖
原隰蕭條草木衰倚風渾類楚人悲便成孤憤終何
事且寄遙懷對此時千里暝陰雲沓靄一川寒影鴈
參差登臨自不宜羈旅更敢憑高賸作詩

其二

已是秋陰更夕曛
亂山高下起寒雲
危樓願見客何處
遠笛不知人厭聞
身外流年波渺渺
眼前生事業紛紛
此愁萬斛誰量得
直為重捻庾信文

其三

才力雖難敵楚騷
賦詩常亦在秋多
自然野思原無限
不爾閑愁可奈何
要路故人皆廢忘
偏州佳客少經過
明時且為貪榮祿
豈學湘纍便九歌

其四

崑谷雨餘生晚煙
高城危閣坐蕭然
側身仕路本誰使
回首家山空自憐
遠信斷來從過鴈
苦吟多後敵

鳴蟬郡齋有客唯莊叟
常與高譚內外篇

其五

早是蓬山預校讎
起居常赴殿東頭
山鵲驚擁陛聯簪
笏日月開天拜冕旒
一出光陰銷遠郡
兩形篇什詠清秋
有人更在楊莊上
文似相如肯先休

東丘老人

東丘老人眉有毫
皮肉光潤牙齒牢
目云新年九十九
鬚髮白者無一毛
問之吾術本無有
烹津納息徒嘈嘈
莫將元氣佐喜怒
自然所得春五十
載此事至易魯不
勞飲之以酒謝使
去手足輕

利如猿猱嘗聞唐人柳公度八十許歲精力豪其言
與人亦如此老人無乃斯人曹

送堅甫同年五首

堅甫神太清不謂久流落別來二十載論議轉深博
其中富所有種道以文獲鋪張講治亂破若勁弩礮
衆人誚青衫可笑俗眼薄蘭筋隱瘦骨垂耳受羈絡
拳拳喙拄地過者無伯樂去蜀持底歸雄豪滿壞橐
朝辭玉壘關暮上石櫃閣知子者云誰獨我懷抱惡

其二

得數常奇懶下籌肯來荒徼治累囚三年笑別浙江

遠萬里吟歸岷嶺秋趙壹囊空常骯髒虞卿書就愈
窮愁妬香回臭都休問未有林泉且宦游

其三

春深行劔棧羨子此時歸照日江浮馬迎風花聚衣
下程家累省對景俗題稀若遇西來客書言不可違

其四

春風吹雪滿西窓此夜無人對酒缸若到杭州見蘇
子爲言常夢過松江

其五

華亭有珍禽毛豐而骨細他日上隋渠爲我致清唳

送李道士歸

先生狀貌古癯健若老鶴秋風唳清霄寒響滿寥廓
一腹冰雪詞勿為俗人作便可住鵝池乾死守崑壑
師厚還朝

聞公之下每一見公心自醉詞章豪蕩已難敵辨論注射尤
可畏諮詢故事要蔣人講正大體須賈誼荆山拾玉
抵乾鵲虞坂裝鹽豎良驥用人最忌非所宜願莫使
公嗟俗吏

牽牛織女

桂陽有仙人姓名武丁胡為墮人世
人惟識其形一日語其弟吾將返青冥乃曰此七夕上天呼群靈
織女欲渡河暫詣牽牛星諸仙盡還宮天路羅雲輶
吾亦向祈召當往不得停第問何時還答云三千齡
明日失丁在恍惚迷所經後世凡此節兒女喧家庭
縱橫具緇鏤荅菓排井馨貪巧但云得欲寐曾莫寧
俗尚每恠妄吾言誰見聽

金鳳荅

荅有金鳳為小叢秋色已深方盛發英英秀質實具
體文采爛然無少缺纖莖翩翩翠影動紅白紛亂如

點纈誰云脆弱易飄隨自卯至翼亦數月美人形相
欲摹畫巧不得施暫自拙鋪葦剪綵轉難似只把長
條恣穿結眼前草木盡零落憐爾開於此時節常疑
一如不兒老性命所繫不忍折君不見昨夜雨今朝
風一隊驚飛返丹穴

亭前高栢

石田硤硤地力燥誰種雙栢已高大長林天矯堪巨
棟老頂榮紆若層蓋雪下孔翠寒不起風中笙簫清
可夢菟絲幸好求女蘿莫倚纖柔欲無賴

凌霄附栢

古栢蒼倉高入雲凌霄萬朵擁其身有如巨君染須
髮新娶杜陵佳麗人

謝黃森惠詩并草書黃蘭溪

南蕝黃天子生平氣凜然吟詩舊有癖寫字近方顛
可惜空山老須為後世傳蘭溪脩楔否願續永和年
東齋悶書

讀書已無効何用轉勞苦閑齋幸無事日共古人語
古人議論好善惡皆有補舍此欲奚為惟應睡滿午

寒食感事呈同官

三月八日值寒食陰霾蔽空不肯收北園蒼木殊未

三字前注
按補遺此首重
見題作贈蘭溪
黃森字君瑞依
首句第三字作
耕

動到處 哭雨惟鳴鳩 吾曹可憐愛薄宦 其此寂寞來
山州酒 看有無更莫問逢遇相與清談休

惜杏

北園山 杏簪高株新枝放 卷如點酥早來其間有啼
鳥兒女 盡識名提壺急救取酒對之飲滿頭亂種紅
模糊可 憐後日再來此定見隨風如錦鋪

讀蔣都官畫像記

蔣為永康軍判官
甲午之亂死於賊

聞昔妖 氛滿巴蜀所臨州縣偃如風其城陷者盡從
賊以義 死之惟有公節與岷山高莫敵名隨阜水注
無窮蘭 臺秉筆今誰氏舍此何由壯史功

題黎公熙序訓堂

常愛三 峨臨古郡君之別業在其城近營大第當高
處更起 新堂立美名滿外江山皆秀絕入中文史自
縱橫如 何置得烏尤住相與談經過此生

朝陽亭

峩峩乎 守居已與前峯對朝陽乃危榭更在守居外
煙雲一 川滿林麓三山會近檻有胡牀無忘傲公退

觀風閣

危閣覆 高林晚步聊徙倚東南兩峰斷空闊見萬里
茫茫落 霞外冉冉孤煙裏忽暗識歸雲乍明知積水

風從半

天下月向平地起夜久殊未還
我冠露盈几山池

偏側蒼

苔地低和白石池數枝紅菡萏幾尺碧漣漪
香餌兒童簇釣絲
來芳蔭下每日日西時
憶西湖舊遊

魚鰲爭

西湖晴

玉月明

碧晚溶溶與客常來坐好風記得有人歌
小猶在畫船中

再送師厚

久使西

棧正好

南此召還鹿頭東去漸雲山莫嫌策馬經燒
題詩到散關財利文書猶絡繹邊防田地已

朱殷奇

謀不吐將何用况是歸臨咫尺顏

黑雲漆

蕩咫尺

平野莫

天雷破地風卷雷射雨傾瀉噴崖倒壑恣顏
不可辨牛馬鷄豚已見逐高浪禾稍應須沒
言魚鼈走堂厨且看泥沙漫屋瓦

不雨

陵陽官

畏更恨

豪橫安

居遇久旱發喘渾如起新病已驚赤日晨可
炎風午尤盛徒嗟禾黍盡焦落無奈蠅蚋轉
得神龍駕九霄大霖滿傾如倒井

久雨

寒鳩劬
劬屋上鳴欲使此雨何時晴山中有客抱幽
鬱日日
起望東方明今朝晚霞發光焰喜盍再拜當
西楹須
更雲陰又蒙沒遣我涕淚流沾纓

山園

久雨無
所造新晴步山園西風滿高林敗葉驚已翻
時節急
如此世事安可論夜歸燈下吟寒蟲伴幽喧

石泉

儼儼盤
石壁拆穴中流泉斷崖散激激曲竇藏涓涓
蓄潤活
古蘚烝虛發晴煙時懷一勺惠使我心泠然

史少訥見許江豚未得以詩戲

霜重水落岸有冰江豚乘寒弄晴日搖波拍浪乍群
起尾厚喙長鬣鬣赤魚人清曉橫巨舟一舉大網凡
數頭想君盤筯已厭足何不略遣來陵州

北園梨老

寒食北園春已深梨老滿枝雪園遍
得秀艷應難月中見苦嫌桃李共妖冶多謝松篁相
葱蒨黃鸝紫燕莫過從時有一聲拖白練

華山二首

崑頭漠漠衛卿雲谷口紛紛張搭霧安得鉤梯上石
龜欲看明星洗頭處

其二

石蓮峩峩橫紫霄中湧萬丈銀河水安得大箭長八尺欲與天神博於此

黃崖洞

黃崖大洞埋古雲入去所履平如席其中玉髓盡可食只恐歸來變為石

師魯推官惠耳蕨戲謝

滿節耳滋滲齒寒醅醑誰與釀琅玕不知佳景何時入試似前人取倒食

寄呈溫江安寺丞

高崖古驛荒涼甚過客何常住久之獨有門邊石寫處每來無不讀多時

朝任昉

幸自文章亦可憐不消一事已為費何如却逐垂兒去忍恥更來王亮前

袁術

四代司空倚世勞可嗟不肖事姦豪妄云名字與識合直欲起應當塗高

偶成

僻陋為州恥不才偃然空見兩星回抵應歸舉謠言

日三府諸君口盡枚

即事

公禮欲下格具觀人所存須知范孟博豈肯伏陳蕃
薄命女

夭夭東鄰姝艷色如春柔去嫁不得偶羅衣空自羞
輕埃掩菱花不分鉛華休回首視庸奴寂寞還卷取
子平寄惠希夷陳先生服唐福山藥方因戲

作雜言謝之

蜀江之東山色盡如赭有道人云此是丹砂伏其下
煙雲光潤看洗濯澗谷玲瓏如刻畫我聞神仙草藥

不在凡土生是中當有靈苗異卉之根莖果然人言
所出山芋為第一西南諸郡有者皆虛名就中唐福
衆稱賞肥實甘香天所養有時品頭倒垂三尺壯士
臂忽然洞口直舉一合仙人掌土人入冬農事閑千
篝萬鍾來此山可憐所鬻不甚貴着價即售曾不慳
往年子瞻為余說言君所部之內此物尤奇絕後復
寄書勸我當餌之滿紙親題華嶽先生訣予因構之
不惜錢依方服餌將二年其功神聖久乃覺筋牢體
溢支節堅自問丹霄幾時上早生兩翅教高颺塵世
如帑不可居待看鴻濛對雲將

十二卷終

新刻石室先生丹淵集卷第十三

文同著

詩四十四首

李太尉固

昏雲翳紫壺橫霓勢光大妖威集凶冀忍穢實中賴
姦鉅日增剗誰汝觸取害驕根愈自固所植利孱昧
容容彼群輔竄伏皆鼠輩側視况未敢肯復形嘆慨
太尉漢中士氣引八壺外岌然處大麓天下聳風采
自開煮餅禍賊意已莫快移書瀝憤膽語激益睚眦
罹冤卒用此數與六九會基茲被沈酷燹免乃天貸

高忠 揭萬古宇宙莫能載垂晶耀簡策糞土視廣戒
歸來 焚壩境祠冢茲儼在宏垣敞深豁巨木森曉暎
神靈 皎如日過者知再拜同愚忝郡寄公里曰境內
心期 款舉像所顧官有礙精衷託明酌舉手向東酹
趙壹

壹也 本西縣狀良徒磊砢其才固難得行有所不可
世人 詎能掩而爾輒自我既慾焉得剛所守實未果
抵罪 當至死其中遂水火一為人所活上賦何瑣瑣
為文 好譏罵惡叻事掀簸逢陟與規革次第滋爾禍
無成 困鄉里屈僵老愈叵何煩遣相視器識自公廢

余因守漢中作詩揭墓左勸君莫學壹學壹終坎輒
張騫冢祠 一曰吳冢

中梁山麓漢水濱路側有墓高嶙峋叢祠蒼蔚蔽野
霧榜 曰博望侯之神當年寶幣走絕域此日鷄豚邀
小民 君不見武帝其心事遠略靡壞財力由斯人
駱谷

高峯 偃蹇雲崔嵬層崖巨壑長峽開龍蛇縱橫虎豹
亂古 棧朽裂埋深苔行人側足恐懼過飛鳥欽翅哀
鳴回 君不見德宗注意用姦慝大駕從此蒼黃來

慈濟院雙楠

雙楠高聳綠氤氲密葉長柯蔭四鄰佛現實幢經幾
劫天開雲帳待何人護持又有諸賢聖觸犯寧無惡
鬼神竹囑寺僧常灑掃莫令向下有纖塵

觀音院怪松

怪松屢見無如此每度來觀說向僧若遇風雷宜守
護恐生頭角便飛騰秋聲遠殿隨齋整夜影侵廊對
佛燈常偃畢宏今不在欲求人盡有誰能

江原張景通善頌堂

庭前雲蓋碧巉嵒堂上先生雪滿髯說藥客來聊下
榻謁齋僧去便垂簾種時法好老難謝買處錢多石

易添子舍光

榮身壯健只將香火事華嚴

雲蓋堂下不銘

夏夕

池館蕭然夜欲分滿林蟲鳥寂無聞風吹松子不知
雨月照荷卷繁若雲泉作小灘聲淅瀝筍成新竹氣
氤氲清陰正覆吟詩石更引高梧拂練裙

寄宇

文公南

自文州曲水令棄官

彭澤長謠便歸去君辭曲水亦其徒一官何藉五斗
米二子況皆千里駒懶對俗人常答颯厭聞時事但
盧胡從來綿紉賢者惟是楊雄識壯夫

北禪龍井

城北神龍去幾年近日人言歸舊止澄潭沈沈不可
近百步之外毛骨起今年興元輒愆雨衆懇問龍求
滴水香煙纔上雲滿空一夜滂沱遍千里

送潘司理秘校二首

已自多時賦式微五峯佳景夢長飛四年遠地為官
去萬里高堂喜客歸下馬便呈新授敕開箱爭認舊
縫衣鄉人覓次來相賀蓴菜鱸魚正軟肥

又五言

曲棧繞斜谷鉤欄天際分吟歌搖嶺月倦枕佛溪雲
好景不關俗新詩皆屬君西南有歸客一一幸相聞

收復河湟故地

啞兒峽西山已塵馱金輦帛無斷群河湟故疆盡收
復鮮鮮厥角歸如雲堂中玉帶賜丞相隴外金節酬
將軍唐兵萬里若日月請作古今人未聞

自斜谷第一
輦泝舟上觀石門兩岸奇峯最
為佳絕

北風吹雲落寒水逆波刺船行五里層巒夾空抱叢
石苗西劔側脊翠烟起草木枝葉自殊別禽蟲羽毛亦
奇絕此安得鷄冠數稜田便可誅茅此居止

宿斗山奉真宮

山形如斗勢坡陀魁枕杓攜萬尺高近世無人知水
棗岩四年有客得蟠朶雲蟾尚隱凝瓊髓神鶴常歸隨
王平一夜杉松響天籟滿空疑是奏雲璈

晴望漢川

城頭看雨霽天地若新浴晚容變雲霞秋意著草木
四時易遷改萬事苦迫促舊山何日歸三徑有松菊

清景堂

公外拍塵慮閑中見物情蕉萃紅炬密竹節粉環輕
鷺泊簾鉤語蜂尋筆架鳴靜能知此趣吃吃笑勞生

梁山大雪

嚴風吹屋鳴向曉尤凜冽應從北山上一夜吹猛雪
幽人不能飲身體冷如鐵空向龍具中苦吟聲不絕

寄夏文州左藏伯二首

翩翩貴公子佳譽本能文大第辭京華高旌擁塞雲
勸農唐刺史養士漢將一軍莫刻和我誓朝廷立功勲
其二

寄語文川守謀邊想甚勞封疆通鳥鼠種落雜猿猴
甲馬廉頗少詩書郗縠高當須辦乃事不用恥弓刀
狗溪迎湫祈雨輒應

夏雨渴久矣秋苗憂槁然至誠通祝版靈貺逐香煙

桐栢應無訟
困倉定有年
曹公三大堰
一夜滿民田
晚興

衆吏晚已散
西園常訪尋
覆基苔閣靜
行藥草橋深
草色晴承屐
松陰密灑襟
山蛇欲重賦
倚竹聽清音
嘉川道中寄周正孺

草木春深後
山川雨過時
清佳常滿目
衰倦敢忘詩
好尚舊若此
飄零今比誰
爭如畫堂上
日日聽新詞
還李中舍相奉使集

奉使道中詩百首
古人遺落盡
冥搜自憐吳蜀佳
山水一夜燈前得
通遊

雪後寄

景孺提刑

時按洋川

雲陰低重雪
冬繁夾道歡
謠引使軒何處輟
亭鍊佳句絲毫揮
罷索清鐫

寄永興

吳龍圖給事三首

高春鈴下索焚
香鏤管紋殘
發絲章應在後園
涼樹裛玄霜
仙帽紫霓裳

其二

見山樓迥倚晴
虛看展終南
百幅圖闡說二林
尤勝絕想公高興在
香爐公別集

其三

絕想公高興在

香爐公別集

土風豪盛古長安誰謂元侯臥治難使客不來公事
少一牀斬簞石林寒

不飲自嘲

能詩何水曹眼不識盃鐺而我豈解吟亦得不飲名
持此以立世可笑實浪生

寄紀禪師

自笑塵中游宦客長輸林下坐禪僧水田百畝一區
宅歸老城南何日能

中梁山寺四絕

臺殿曠暖山巖荒雲霞鮮明天次寥側身下望壓塵

世安得羽翼凌九霄

其二

煙巒彩翠霜林紅層樓複閣雲霧中襟懷太爽睡不
得一夜滿山鈴鐸風

其三

群峯南北爭嵯峨如瀉大壑翻衆波愛之欲把入圖
畫世無好手將柰何

其四

上方梯磴繞崑嶺就孤高更起樓直望漢江三百
里一條如線下洋州

仙人二首

身著青羅練衣襟口白羽黑翻文半空欲下復不
下回首翩然歸五雲

又

頭梳三角髻餘髮散垂腰時伴秦樓女月明吹紫簫
山堂前庭有奇石數種其狀皆與物形相類
在此久矣自余始名而詩之

鸚鵡石

靜立身微聳驚窺首略回何人將至此應自隴山來

柘枝石

紫鮮裝茗帽紅藤纏臂幘被誰留斷拍長舞不教休

後倪石

巨尾蟠深草豐毛覆古苔雕欄臨綺席長欲上香臺

崑崙石

雨漬身如漆苔侵面若藍問時都不語應是憶扶南

羅刹石

洗濯形容露剌挑口眼通試教常點檢每夜定飛空

珊瑚石

海底初生處扶疎苦未全幾時隨鐵網流落漢江邊
病眼

病眼每至午其視何眊眊安得張中書就欲求古方
吾友務深有嘆琴之什運使子駿答之佳章
務深亦使余繼作

白水滿方湖山中好秋色逋翁促瑤軫來坐湖水側
臨風起高調此興浩無壺波靜戢游鱗雲空矯飛翼
蕭條變林野萬籟一以息且莫緩商絃令人涕橫臆

十三卷終

新刻石室先生丹淵集卷第十四

文同著

詩四十九首

子駿運使八詠堂八首

寶峯亭

嘉陵抱江回平衍出橫澁中間築雄壘獨據兩川會
行臺敞嚴府磊砢北城外潭潭走群楹直上巒嶺背
危墻繚空閣飛閣入茫昧上有寶峯亭仰見白雲內
岩堯占孤絕下與萬山對層欄動寥廓曲檻枕閑闥
主人從藍輦晚興在公退心掩萬象遠目引八壺大

鈎簾拂坐榻隱几緩衣帶詩書挾關鍵筆硯產珠貝
是時衆吏去不敢呈計會雖然彼郡邑原本窮利害
自取金穀饒無煩米鹽碎此地寄清襟歲書從屢最

桐軒

晴影滿空壁晨曦上清軒庭下雙高桐枝葉蔚以繁
種者忘自遠豈企群木論謂可絙朱絲中有雅韻存
成之在誰手但為培霜根須知治世音盡付於此孫

栢軒

沈沈敞幽軒聳聳列寒栢清音納牕戶爽氣逼枕席
主人重端勁坐若對佳客時復下撫摩破蘚交履跡

此意乃如是來者當愛惜大厦須良材相期早千尺

竹軒

此景絕可愛叢筠挺修竿侵簾復映幌翠影何擅樂
霜威忌晚秀雨氣矜晴寒每向極靜時幽禽發清彈
自無車馬塵飛來泊琅玕宜遣老鈴下日日申平安

李衛公言北地

維今人每瞳

子寺有竹報竹平安

書林泉

何處雲去耶

巽堂

華堂聳嚴臺地勢側隨水高臨巽宮上其取名以是
峩峩寶峯頂日影正辰巳繚棧入雲林詰屈如篆字
輕霏牙虧蔽亂樾紛間厠賓來獲清歡吏散生野思

靜見萬物本一一齊於此體道以行權端居得深旨

山齋

職事凡少休餘復不經眼幽齋設橫榻盡日對層巘
遙懷寄浩蕩靜想榮巖巖松雨潤書窗竹風吹酒盞
榮名付傲兀勝事入清簡雖有舊林泉何須嗟去晚

閑燕亭

靜字占幽深是中何所有軒牕盡清潔硯席羅左右
公餘每休此俗客曾不受六尺局脚床解帶就橫肘
掃除閑景物健筆當大帚敢問公許年得詩凡幾首

會景亭

誰茲敞高亭磴道繞千巘江山接平遠百里俱會合
人間最佳景牕戶供遠納煙雲互蔽虧蟲鳥相應答
吟牋摘奇勝畫筆寫紛雜安得日從公短破手自蠟

呈李堅甫中舍

往年曾憶過長安短紙書名詣門下君時延我坐終
日洒掃東軒留看畫橫圖巨軸不知數但見匣中時
一把甲猶未竟已復作門類著春開滿架使人歎羨
不能已只恨有門歸隔夜歸來兀坐想精絕念此榮
觀若為謝就中寒林兩大幅此物世間誰敢價倏然
一別十五載常向人前盛誇詫因君奉使臨敝邑見

先問此餘不暇君能為我再講說座上不容人俗話
如君所蓄更誰有有亦未能無笑罵况君累世盡清
職摹本敢來前弄詐君今還省正擢用異日須求作
鄰舍我巾曳履日相謁更欲重煩開絕帔待尋前輩
用心處款曲應須頻假借每厨閱訖當便還不敢奉
欺言羽化

采茨

通判盧微之携種
種之次年大盛

笑盤團團開碧輪城東壕中如疊鱗漢南父老舊不
識日日岸上多少人駢頭鬚鬆露秋熟綠刺紅鍼割
寒玉提籠當筵破紫苞老蚌一開珠一掬吹臺北下
凝祥池圃田東邊僕射陂如今兩處盡埋沒異日此
地名應馳物貴新成味尤美可惜飄零還入水料得
明年轉更多一匝清波流子子

峯鐵峽

東風吹空力何短三月隴山全未煖文法姦酋引騎
兵飛隨銀鷁弓刀滿霜矛雪甲寒如水候卒何由知
首尾君不見峰鐵峽頭雲色死一過蕭然五十里

周思道如詔亭

繁上先生教子時義方題榜貼亭猶當年此地開師
席今日其言入制詞鄉里共傳為盛事鬼神相助使

前知後人若續成都記第一詳書不可遺

陵井喻氏歲寒山居

歲平處士居山日手種青松一萬根歲月漸深枝盡
偃雪霜雖厚葉仍繁本營勝槩逃軒冕更結清風遺
子孫寄語後人須愛護莫教空有令名存

提刑司勳示及喚禽圖作詩詠之

朱華盛發穿疎竹寒林齊枯徧野磯大雪蔽天方亂
下衆禽爭地各相依非公好事誰能得此盡如今自
已稀試待清明挂軒壁定開群眼一時飛

北齋雨後

小庭幽圃絕清佳愛此常教放吏衙雨後雙禽來占
竹秋深一蝶下尋芳喚人掃壁開吳畫留客臨軒試
越茶野興漸多公事少宛如當日在山家

北城樓上

滿目望不盡城樓當最高地形連楚閬山勢入秦豪
平外斜通路深中遠認褒圖經何忙觀故事有蕭曹
晴登北城

積雨已逾月久妨於此行雲山勞夢想風日幸晴明
常度往來處盡蒼苔蘚生一塲新草木強半不知名
寒食書事感懷

綬綬

寥寥官舍靜於僧，雖有園亭亦倦登。
桃杏蒼陰流似水，圖書滋味冷如冰。
坐觀榮戟慙無狀，歸掃松楸恨未能。
得報君恩便休去，虞卿前日本擔簦。

送李堅甫中舍奉使還闕

自北入蜀

曾歌出塞愁，又遣使西州。
去國星辰動，還家歲月流。
鑣新踞晚郭，杜故園秋歸對廷和殿。
從容問講求。

漢中城樓二首

解帶綬幽憂，登城復上樓。
斷煙橫汜水，孤鷺入洋州。
浩蕩成遙望，淒涼起暮愁。
山中自有桂，何事此淹留。

其二

蘇徑踏層斑，高林古木間。
鴈隨平楚遠，雲共太虛閑。
晚靄昏斜谷，晴陽露斗山。
將身就清曠，名路爾何顏。

凝雲樹晚興

晚策倚危榭，群峯天際橫。
雲陰下斜谷，雨勢落襄城。
遠渡孤煙起，前村夕照明。
遙懷寄新月，又見一稜生。

山堂偶書

幾日無公事，山堂興頗清。
和詩防積墜，丸藥趁晴明。
斲石新稜出，澆蔬晚甲生。
此皆忙外得，低首笑塵纓。

清閣

治庭區紆紛，齋閣簡應接。
身閑喜枕簟，慮靜厭圖牒。

孤芳媚深叢幽咲出密葉物理茲領會真境知可躡

靜庵

問此初誰築經營羨爾能依深還巨木就蔭覆高藤
坐與境同寂來無人可憎一床黃臥具茂灌本如僧

忘憂堂

磴道循城近垣墻占地幽軒窓誰指畫硯席我優游
不許簿書到恐為圖史羞此心元自適何處欲忘憂

夏日官舍

省事公多暇虛心景自長捨書無可樂就枕不能忘
短葛沾肌薄寒泉沃肺涼何當逢靖節相與話羲皇

寄成都趙資政

纔承寵詔聯公馬便謁除書別帝閣萬口一詞歌盛
德四年三度福遐藩已為魁壘無雙士更入摩訶不
二門應笑臨邛病瘠客最先參見在江原

晴步西園

急雨正新震林端明晚霞松亭臨曠絕竹逕入欹斜
冷落留深草泉生上淺沙稚圭貧亦樂一部奏池蛙

金影軒

開軒俯清溪正
在脩篁內霜筠抱冰節爽氣常四會
主人厭俗客日
與此君對月上寒影來滿襟搖瑣碎

忽憶故園修竹因作此詩

故園修竹遶東溪占水侵沙一萬枝我走宦途休未
得此君應是怪歸遲

寄景孺提刑時按武興

夾欄虛棧武興西使騎翩翩晚夕馳想過飛仙須下
馬此中佳景入吟詩

子駿遊沙溪洞

聞有沙溪洞公將柅使輪還如探禹穴應見避秦人
石繖形容古琳房氣象春若逢丹輦客問取虎文巾

送郭榮叔秀才應武舉

爰君才辯吐如傾圓直橫斜善講兵休弄向時閑筆
硯破蠻征虜是功名

乞畫鴈寄涇州母使君

寒影亂翻秦嶺月晚行高處隴山雲回中有客能傳
鴈異日從公乞一群

興元府園亭雜詠

甚美堂

潭潭棟宇盛宵宵軒窓闢高深與地稱可大張宴席
府事如少休茲焉會佳客

武陵軒

水從前嵒來轉入後溪去中間載酒下各到客前住
醉後省恍然再來無覓處

綠景亭

竹間有幽亭所宜惟暑飲層陰隔炎日四坐障綠錦
過午不可留單絺覺微凜

激湍亭

高輪轉深淵下馮石蟾口臨之設軒檻清絕更無有
愛此山中來應須坐良久

凝雲榭

朝雲南山吐暮雲北山翕來往高榭中留者頗堆積
坐客如久之去須襟袖濕

照筠壇

積土削為壇隆然在深竹中惟一詩石獨坐擁寒玉
勿謂人少知此境不容俗

桂石堂

嘗聞陽朔山萬尺從地起孤峯立庭下此石無乃似
凌爾常獨來一日須三四

四照亭

巒嶺附梁山汀洲隨漢水秋容上屏障左右二百里
此景誰能論殘霞獨憑几

垂蘿逕

長蘿託高株，曉曉蔽煙霧。垂蔓已百尺，更引欲何處？
願少放餘條，恐傷君所附。

盤雲塢

幾曲上層城，盤盤次文石。爰之有佳趣，不倦紆晚策。
禽蟲應見疑，日遇此狂客。

非軒

天上之貴神，所居皆在非。有軒正相望，慢恐取陰劓。
余常過，則趨不敢茲少息。

基軒

甘城云最高，上復有喬木。垂蘿密如帳，中乃營小屋。
時引方外人，百憂銷一局。

山堂

何以山名堂，層石作崖巘。余本崑穴士，每往不欲返。
公吏呈俗書，還來愧冠冕。

靜庵

知動以為幻，既知即非靜。名庵以靜者，無乃自起爭？
為語庵中人，勿以靜為病。

第十四卷終

新刻石室先生丹淵集卷第十五
宋尚書司封員外郎充秘閣校理新知湖州軍州
事兼管内勸農事上輕車都尉文同等
詩六十三首

將赴洋州書米谷舊隱

晚客無一來獨步入東谷園林已成就此景頗不俗
落落巖畔松脩脩澗邊竹爽氣逼襟袖清如新出浴
寒泉激亂石磊磊漱瓊玉荒溪漬餘潤蒲地苔蘚綠
珍禽靜相倚毛羽華且絳高下相和鳴不去若馴伏
幽花雜紅紫點滴亂盈目坐久微風來時聞散餘馥

往年讀書處宛爾舊茅屋雖然小破壞脩整可數木
開門拂軒窗無限起蝙蝠縱橫列蟲網不免自掃撲
壁間細書字多是親寫錄當時苦謀身如此用意毒
于今三十年才抵羊酈熟一從入仕路行步每蹉跎
所畏惟簡書其甘者藜藿中間何大幸致身在天祿
無狀陪俊游僂首常自慙連章乞外補得郡悉鄉曲
雖名二千石敢自碎碌碌朝廷設新法布作天下福
或慮多垢玩訓戒稍嚴肅刺史當是時能不為驅脅
行之以中道勉副議者歆刺薄素所憎忍復用刑獄
進身豈不願實懼有陰戮昨從漢中歸於此度炎燠
親朋日相會分義愈敦篤便欲從之游投簪解朝服
退自數年計伏臘殊未足還當武康去就養若雞鶩
貧雖士之常於我何迫蹙簞瓢若自具尚可繼前躅
奈何食口衆不比回也獨東方千餘騎專從催我速
行復登長途貌展心甚縮淵明豈俗士幸此有松菊

崔觀詩大中時人

崔觀者高士梁州城固人讀書不求官但與耕稼親
夫頽既已老左右無子孫一日召奴婢盡以田宅均
俾之各為業不用來相聞遂去隱南山雜跡麋鹿群
約曰或過汝所給爲我陳有時攜其妻來至諸人門

乃與具酒食嘯詠相歡欣山南鄭餘慶辟之為參軍
見趣使就職漫不知吏文已復許謝事但謂長者云
補闕王直方本覲之比鄰文宗時上書召見蒙咨詢
薦覲有高行用可追至淳詔授起居郎褒斜走蒲輪
辭疾不肯至高風槩秋旻我昨過其縣裴回想芳塵
訪問諸故老寂無祠與墳斯人久不競薄夫何由敦
此縣漢唐時諸公揚清芬刺詩子堅廟來省期不泯

寄題閬州開元寺澤師竹軒

澤師種竹三十年竹成滿院生綠煙蒼龍子孫太繁
盛分領眷屬來渭川藏風蓄雨陰殿壁不敢輒近寒

森然香飛常入佛座上葉落不到經窻前芟除掃掠
淨如洗欄外不許行狂鞭澤師瘦健如老鶴壞衲幾
尺披左肩手持數珠讀梵夾狀貌兀若壘與鐫朝旋
暮繞在其下不肯出院求齋錢古人亦有愛竹者豈
得似師心意專我亦平生苦如此兼解略把筆墨傳
逢師正謂同所好但恨尚有區中緣何時相對月明
下坐徹清影談幽禪

寄題密州蘇學士快哉亭太史云此城之西
壯送客處也

出城送客客未來主人到此先徘徊地臨濰水極清

曠每爲送客雙眼開客來既坐歌管作紅袖勸酒無
停盃主人自醒客已醉門外落日驪駒催揖客上馬
退岸幘未忍便擁千騎回滿襟高興屬軒檻野闊風
長真快哉

獨遊

孤亭入陰森竹逕北松塢高林動清吹猶滴前夕雨
解衣此危坐左右一不許性本不柰雜况復茲寡侶
孤懷託寥曠世慮絕參伍幽花爲誰笑獨鳥只自語
身閑得天全一息了萬古忽往而忽來其誰知踽踽

夏日湖亭試筆

亭臺清涼水竹淨愛此來避蚊與蠅蓮花窺人類楚
女野鳥彈舌如胡僧旋來開卷坐松蔭却把釣竿沿
石稜二年何幸爾足樂慙報上恩無所能

楊山人草堂

九隴山人文父後心閑身健兩誰如玉函經外傳奇
訣盡戟門前創隱居入鼎靈丹黃似橘隔牆凡境臭
如帟何時再到高栴下倚偏清陰聽道書

詠鳧

雙雙紋羽弄清漪全得天真似爾稀萬頃滄波供口
腹一梁寒日曬毛衣雨歸別島嘔唳語風度前灘翕

呬飛好向中流最深處等閑休要上漁磯

弄珠亭春望

岸柳舞毵毵春醲物象酣煙雲分極浦舟楫聚田潭
上水魚千萬眠沙鴈兩三遙懷無可柰長是寄城南

新晴望北山

西風吹北山晚日曬新雨嵐光發巖岫草木紛可數
翠壁倚萬丈白雲橫一縷待訪餐霞人斯游欲誰與

城南江館

漢江之北涯軒宇頗高爽西南正空闊時此託遐想
誰家有竹石更可悅新賞待學袁愍孫來興欲直往

屬疾梧軒

高梧覆新葉滿院發華滋白日一何永清陰閑自移
暖蟲垂到地晴鳥語多時病肘倚枯几泊然忘所思

北園避熱

繚繞度田塘紆餘轉短牆引筇聊散誕入竹得清涼
正午禽虫淨初晴果木香移床就高處更欲解衣裳

施公潭

盤巖復轉溪磴道入雲微斷巘雙壁立垂泉一劍飛
浮空交彩翠濺遠亂珠璣啼穴飢鼯出翹灘宿鷺歸
寒窻清徹骨晚氣潤沾衣東谷牛羊下搖鞭去夕暉

罷郡

自問爾何事端然信方策本是鉅犂人強為簪組客
何嘗補萬分徒自勞七尺還如裴昭明罷郡歸無宅

送文鑄師游襄陽鹿門

師今鹿門去正此冒炎曦野店乞晨饌亂山吟古詩
問程行幾日覽景立多時我有懷賢意憑看墮淚碑

夏日南園

陰陰喬木下翠影若雲浮滿地紫桑椹數枝黃栗留
迎風湖上去避日竹間遊定作今宵雨繞牆啼曉鳩

北樓晚晴望秦嶺

秦嶺巉巖列萬峰晚嵐渾欲滴晴空如何學得崔重
易吟嘯終南明月中

柳枝

墻宇周回院落深日光風色淨陰陰柔條一似孫荆
玉帖地反腰銜寶簪

送王存之

野水冰生薄似綿短亭梅發大於錢想君歸到江陽
日欲話今時已去年

放言

裨海之外既爾知自問何苦安喧卑胡不往見蒙轂

士看卷龜殼 食蛤蜊

寄褒城宰

灩灩清波瀉 石門茂林高 巘夾煙昏何當盡舫載明

月共醉江心

白玉盆

物五斗詩渴可愛故云江中有大白石穴殼然如盆可撼

贈竹

簣簣谷

我昔初來見 爾時禿稍欒 菜病癱襪遮根護 筍今成立好在清風十萬枝

竹答

我實仙陂百世孫 二年生長感君恩 近聞官滿將歸去更望臨時莫洗園

守居園池雜題三十首

湖橋

飛橋架橫湖 偃若長虹臥 自問一日中 注來凡幾過

橫湖

長湖直東西 漾漾承守寢 一望見荷 蒼天機織雲錦

書軒

清泉繞庭除 綠篠映軒檻 坐此何可為 惟宜弄鈇槩

水池

日暮池已冰 翩翩下鳬鷺 不怕池中寒 便於水上宿

竹塢

文石間蒼苔相引入深塢莫撼青琅玕無時露如雨

萬壽軒

朝陽媚秋綺萬壽隔深竹誰開翠錦障無限點銀燭

茶蘼洞

柔條綴繁英擁朶若深洞是處欲清香憑風為持送

篋簪谷

千輿翠羽蓋萬綺綠沈槍定有葛陂種不知何處藏

金橙逕

金橙實佳果不為土人重上苑聞未多誰能為移種

荻浦

荻荻饒霜風暮寒聲索索無限有微禽捉之宿如客

荻浦

孤嶼紅蓼涇水清波照寒影時有霞鷺鷥飛來作佳景

望雲樓

巴山樓之由小秦嶺樓之壯樓上捲簾時滿樓雲一色

待月臺

城端築層臺望木杪轉深路常此候明月上到天心去

二樹

爰山孰云壯野漠水亦非動二見因妄生仁智何常用

天治天臺

井岸亭館血死寂先登此臺臺高望群峰萬里雲崔嵬

吏部亭

竹籬如雞柳茅屋類蝸殼靜几默如禪往來人不覺

霜竹均亭

危亭入幽谷正在脩篁裏坐久寒逼人暫來須索起

灤水亭

逕源分灤水衮衮出亭下橫瀾能許深日夜見傾瀉

無言亭

誰此設嬾休頗稱我衰墮公事凡少休須來默然坐

露石百亭

宿露蒙曉苔婀娜清香發隨風入懷袖累日不消歇

涵虛亭

石磴抱城回入竹見虛檻前望佳景多倚筇聊此暫

溪光亭

橫湖決餘波灩灩瀉寒溜日影上高林清光動牕牖

過溪亭

小白過清溪有亭纔四柱地僻少人行翩翩下鷗鷺

禊亭

懸流効曲水已上娛嘉賓飲罷已陳迹邨復山陰人

南園

農桑乘曉日凌亂如碧油紫椹熟未熟但聞黃栗留

北園

春風有多少盡入使君家當與郡人樂滿園桃李春

寒蘆港

落月照水湖曉氣何太爽兩岸雪煙昏鳬鷗出深港

野人廬

蕭條野人廬籬巷雜蓬蒿每一過衡門歸心為之起

披錦亭

繁紅層若雲密綠疊如浪青帝下尋春滿園開步障

此君庵

聖取筠裏園欄淨影碧如水誰識愛君心過橋先到此

湖上衆禽盡以俗呼為題五首

淘河

群魚見新晴萬鬣戲清泚忽爾下淘河驚回入水底

連點七

翩翩彼珍禽金羽耀寒日飛落灘上水對人連點七

拖白練

盤石坐深林不欲人求見隔岸誰品絃數聲拖白練

泥滑滑

春日正清明滿園花盛發勸爾竹木雞莫啼泥滑滑

提葫蘆

不聞已堪摘酒熟正好沽山禽會人意勸我提葫蘆
詠蓮

全紅開似鏡半綠卷如盃誰為回風力清香滿面來
題友人書齋新壁

彩摺縱橫設雕厨次第開須防何法盛直入此中來
張淨琬

飄騎極豪侈後房多艷姬可憐張淨琬不識半酣時
待雪

回晚欲雪天氣陰木葉亂飛雜歸禽城頭徙倚待飄
灑東村萬里皆雲林



